

# 黄庭内景玉经注 肝部章第十一

<p>肝部章第十一神仙刘长生解 肝部之宫翠重裹，甲方圣教，隐在中官，神光万道，翠色千重。下有青童神公子，九阳门下，物外人同，既闻真理，立祖明宗。主诸关镜聪明始，宝鉴磨开，九关明彻，法眼，气神相结。青锦披裳佩玉铃，太和宫内，玉性玲珑，琼浆金饭，青锦重重。和制魂魄津液平，虚心清魂，实腹静魄，玉润金真，大丹光赫。外应眼目日月清。降日垂光，性月圆明，坎生二八，至妙虚清。百痾所钟存无英，上悬金钟，痾气常盈，广贪难满，存浊无英。同用七日自充盈，七光返照，慧日充盈，岂分昼夜，晃耀水晶。垂绝念神死复生，垂慈念道，泯欲顾神，慧生於心，至妙金真摄魂还魄永无倾。炼成魂魄，物外飞形，气散精竭，性沉幽冥。</p><p></p><p><a href = "/pdf/6697-黄庭内景玉经注 肝部章第十一.pdf" rel="alternate" download="6697-黄庭内景玉经注 肝部章第十一.pdf" target="\_blank">下载本文pdf文件</a></p>